



Broj: 04-23-1-131/19  
Sarajevo, 05.03.2019. godine

## SVIM ZAINTERESOVANIM KOMPANIJAMA/ZADRUGAMA U BIH IZ POLJOPRIVREDNOG SEKTORA

### Predmet: Poziv za prisustvovanje sajmu Macfrut 2019 u Italiji

Agencija za unapređenje stranih investicija u BiH (FIPA) je u saradnji sa vodećim italijanskim sajmom proizvodnje, logistike i distribucije voća i povrća - „Macfrut“ učestvovala zajedno sa 22 bh. kompanije iz oblasti poljoprivredne proizvodnje, na sajmu Macfrut 2018. Na 35. međunarodnom sajmu Macfrut 2018, koji se održao od 09. do 11. maja 2018. godine, su prisustvovali izlagači iz 40 zemalja svijeta (1.100 izlagača) koji su imali priliku predstaviti svoje proizvode velikom broju posjetilaca (ukupno 43.000). Sajam se održavao u osam paviljona na površini od 55.000 m<sup>2</sup>.

Tokom prošlogodišnjeg sajma predstavnici FIPA-e i bh. kompanija su ostvarili uspješne kontakte s izlagačima na sajmu iz Italije, Kine, Španjolske, Francuske, Egipta, Kolumbije i drugih zemalja. Tom prilikom su predstavljene prilike BiH u poljoprivrednom sektoru s naglaskom na proizvodnju voća i povrća te je uspostavljena poslovna saradnja bh. kompanija sa izlagačima kako bi se pronašla nova tržišta za plasman njihovih proizvoda.

Ove godine Macfrut 2019 se održava u periodu od 08. do 10. maja 2019. godine u Riminiju, Italija. Više informacija o ovogodišnjem sajmu možete pronaći na web stranici <https://www.macfrut.com/en/>. Organizatori su spremni kompanijama iz Bosne i Hercegovine iz sektora voća i povrća ponuditi sljedeće pogodnosti:

- plaćena dva noćenja u hotelu (DUS ili DBL soba po kompaniji, što znači da dva predstavnika jedne kompanije mogu boraviti u jednoj hotelskoj sobi)
- dnevni transfer od hotela do Expo centra
- ulaznice za sajam
- online B2B platformu za dogovaranje sastanaka sa izlagačima
- prisustvo „networking“ događajima

**Napomena: ove godine prevoz nije obezbijeđen od strane organizatora, isti organizuju u svojoj režiji prijavljeni kandidati.**

S obzirom da je Agencija za unapređenje stranih investicija u BiH (FIPA) partner sajma, zamolili bismo Vas da razmotrite mogućnost učešća predstavnika Vaše kompanije na ovogodišnjem sajmu Macfrut 2019 (uz korištenje ponuđenih pogodnosti), te da nas informišete o zainteresovanosti najkasnije do 20.03.2018. godine na e-mail: [gordana.radovic@fipa.gov.ba](mailto:gordana.radovic@fipa.gov.ba).

Nakon prikupljenih prijava kompanija iz BiH, predstavnici Macfrut-a će nas informisati o dodatnim logističkim informacijama, o čemu ćete biti blagovremeno obavješteni, kako biste mogli planirati svoje učešće na Sajmu.

S poštovanjem,

  
**DIREKTOR**  
 Gordana Milinić